

荊州駐防八旗志

荊州駐防八旗志卷二

勅諭

康熙二十八年六月

上諭大學士伊桑阿等曰八旗齋領佐領有職任之官多有以疾告休者此中有不能騎射畏憚而求罷者夫管轄職任須得舊人爲佳其傳諭八旗都統副都統等自是以後若有告休者詳察之果疾病不可支者允其休致若雖不能嫻於騎射而能管轄者仍留用之欽此

康熙四十八年十二月

上諭大學士等曰世襲之員較佐領尤爲緊要世襲之人庸

勞者甚多嗣後令該旗大臣引見如其人善則准令承襲否則不拘其幼子族人擇可用者令其承襲欽此

康熙六十一年十二月十一日

諭見八旗官員兵丁內嗜酒沈湎以致面貌改常輕生破產肆行妄爲者甚衆其中豈乏才具可用之人朕實憫之惜之著八旗都統各將該屬官兵內酗酒不肖之徒給限一年或二年令其悔改能改者留之如不能改係官員卽行題參應襲者令人承襲係兵丁卽行革退將本佐領閑散人內揀選人材可用者充補食糧旣可以養其生又可以得其力如此嗜飲酗酒之徒自知所懲戒矣若禁止

之後仍然不改一經查出併將該管官員嚴行治罪再著
行文外省將軍副都統城守尉等一體嚴加約束務令法
正行欽此

雍正元年四月十六日

上諭吏部戶部兵部各省給發駐防官兵米穀草豆等項價
值不一除已有定額省分照常給發外其餘未曾定額省
分多寡不符理應將本省歷年給發之價酌處其中畫一
定議以一定便於遵行如遇年豐價平稍有贏餘於官
兵亦需有益儲歲款價貴該督撫據實陳奏朕自加恩欽

此

雍正二年四月十八日

上諭各省此類記名人甚多出缺之時皆將記名人題補但未記名之人若無補用之途伊等何以效力行走著該部行文各省將軍等將未記名人內有人材可用弓馬嫻熟盡心效力者揀選具奏欽此

雍正五年四月二十日

上諭自雍正三年四年以來外省將軍督撫提鎮等共有十數處奏請於該地方添設子母礮位經議政王大臣及兵部議准添設朕已先行昨閱看

仁皇實錄五十四年實錄內載山西總兵官金國正

疏請臣標下向無子母礮今願捐造三十二位分給各營
操演欽此

雍正五年四月二十九日

上諭覽李如柏所奏調換軍器事宜是從行伍利用起見該
部議奏大凡各處營伍所習武藝所用器械操演隊伍向
來原無一定之制是以武弁到任往往以已所好尚及素
所熟習者操演所屬兵丁間或學習未久而接任官員又
另有意見將從前所習者更改調換是兵丁之技藝每視
該上司之去留以爲轉移非訓練專精之道也凡事久則
熟熟則生巧宜令各省將軍督撫提鎮因地所宜酌定規

制永遠遵奉除騎射最爲緊要天下通行學習外其餘各
種演習著該上司會同通省大員悉心斟酌應如何操練
用何軍器詳悉定議奏明令各營永遠遵行接任官員不
得擅自更改倘將來有應行變通之處著具題請旨如此
則兵丁各精其業且使一省之中彼此畫一將來或有調
遣會集之處正可相資爲用於訓練營伍大有裨益欽此

雍正五年十一月二十六日

上諭舊例執纛俱用左手今年少兵丁不知此例乃用右手
執之將朕此旨應行傳示之處通行傳知令記檔案再各
省滿洲駐防將軍處亦遍著行知令記檔案欽此

雍正八年正月十二日

諭京城佐領越旗移置者甚多因命大臣等均勻派定外省駐防八旗滿洲蒙古漢軍亦有隨京城佐領越旗移置者其移置之旗人丁既多則移出之旗人丁必少是以人丁數目不均如何令其不致移動之處著八旗大臣等會議具奏欽此

雍正八年三月初十日

上諭凡在京年老辭職之旗員內有在行間效力年久者於辭職具奏之日朕悉閱看有應加恩者朕卽加以恩施嗣後各省駐防處官員內有在行間效力年久之人因年老

辭職具呈者著該將軍等於具奏之時將伊食俸餉之年
及在行間效力行走之處聲明咨送兵部奏聞俟朕閱看
有應加恩者加以恩施現今因年老辭職之鑲紅旗協領
羅達子亦屬武職內效力之員著以原品休致給以半俸
終身欽此

雍正八年七月初五日

上諭武藝者乃滿洲之根本要務八旗管轄兵丁之大臣官
員理宜操練武藝習勞苦耐寒暑以及疾趨超距撲跌等
技近觀大臣官員侍衛等值班俱不親佩腰刀令家人持
攜及至紫禁城內方行親佩似此一味偷安總不操練風

習勞苦成何道理卽如伍達納係由盛京兵丁選取侍衛之人差往打牲烏拉地方逸居一載遂至跟轎一班卽喘息不能行走來文原在執事人內行走曾經服習勞苦之人今年僅五旬竟不能跟轎哈岱在侍衛執事人內行走多年出征隨團俱經身歷至跟轎一班亦不能行走此皆自圖安逸之所致也大臣官員若不於平素間服習勞苦倘至緊要處不能爭先將使兵丁竟捨伊等前進乎抑停留等待乎且至彼時力不能支卽懷奮勇之心亦屬無用若此何能使兵丁精銳耶從前

皇考時常行圍眾人得以學習技勇未致廢棄俱能服習勞

及朕卽位仰思

考付託之重八年以來勵精圖治未及巡幸郊外近觀武
藏大臣侍衛官員兵丁漸不及前若不嚴令學習勢必流
於不堪任用嗣後八旗武職大臣官員及各省駐防之武
職大臣官員年未至五十五歲者勒限半年令各奮力學
習一切技勇若仍有自圖安逸不肯學習稍有所勞卽至
汗流不止一遇寒冷臂指拘攣不能張弓毫無技藝不耐
勞苦者或經朕調來引見或經朕行幸時查出必重加懲
治責革照違旨例治罪斷不寬宥彼時莫怨朕不預先曉
諭也如有學而不能者準其告退將此通行八旗並各省

駐防武職大臣侍衛官員等知之欽此

雍正九年七月二十二日

上諭各省駐防兵丁生齒日繁現今餘丁甚多若聽其間居
卽無從學習技勇而定額錢糧亦難以養贍家口著交與
各處將軍於滿洲餘兵內擇其能騎射可供驅使者額設
兵丁之外添設若干名並作何給與錢糧操練技勇之處
著悉妥議具奏欽此

雍正九年十一月二十三日

上諭朕因各省駐防兵丁技勇多屬生疏營伍亦覺廢弛所
養馬匹多不足額其中漢軍爲尤甚已於今年八月間先

行曉諭申飭俟明年春月各差科道等官前往查看倘仍不悛改嚴加議處朕思營伍廢弛兵丁怠惰之習若該管官員等果能實心整頓訓練數月之內即可改除惟是馬匹不敷額數若責令一時購買足額或至馬價昂貴兵丁力量艱難況於南方諸省平時旣難餵養而一時急切買補又較難於北方著該將軍等酌量稍爲變通現養幾匹兵所少者存價於官一有調遣即可購買應用不致遲悞公事此朕格外體恤之特恩若再奉行不力一經查出弁兵等俱不寬貸欽此

雍正十一年四月二十八日

上諭朕覽本朝人刊寫書籍凡遇胡虜夷狄等字每作空白
又或改易形聲難以夷爲狄以虜爲鹵等字樣閱之殊不
可解揣其意蓋妄爲觸本朝之忌諱曰避之以明其敬慎
不知此固背理犯義而不敬之甚者也夫中外地所畫之
境也上下天所定之分也我朝肇基東海之濱統一中國
君臨天下所承之統堯舜以來中外一家之統也所用之
人大小文武中外一家之人也所行之政禮樂征伐中外
一家之政也內而直隸各省之臣民外而蒙古極邊諸部
落以及海濱山陬梯航納供之異域遐方莫不遵親奉以
爲主乃復追溯開創帝業之地目爲外夷以爲宜諱於文

字之間是徒辨地境之中外而竟忘天分之上下不且背
謬已極哉孟子曰舜東夷之人也文王西夷之人也舜古
之聖帝而孟子以爲夷文王周室受命之祖孟子爲周之
臣亦以文王爲夷然則夷之字義不過方域之名自古聖
賢不以爲諱也明矣至以虜之一字加之本朝尤爲錯謬
漢書註云生得曰虜爲生得其人以索貫而拘之也敵國
分屬互相詆詆北人以南爲島夷南人以北爲索虜漢唐
宋元明邊烽不息每於不能臣服之國反以爲虜我滿洲
住東海之濱並非胡人亦從未被虜若言東夷之人則可
況今普天之下率土皆臣雖窮邊遠徼我朝猶不忍以虜

視之惟準噶爾背天逆命自棄於王化之外或可呼之爲胡虜耳至若

王師入關漢人順命心悅誠服而爲臣子在本朝雖不忍以漢人爲虜而律以生得之義漢人實乃本朝之虜也乃轉以本朝爲虜而諱言之豈獨昧於大義並字義亦失之亦謬乎總之帝王之承天御宇中外一家也上下一體也君臣父子之分也分定於天也尊親忠孝之情根於性也未聞臣子之於君父合體同心猶可以絲毫形跡相岐視者也我朝正位建極百年於茲矣

聖相承功德隆盛迨

世祖章皇帝入撫中夏救斯民於水火而登之衽席仁心仁政洋溢中國

聖祖仁皇帝臨御六十餘年深仁厚澤淪肌浹髓中國之聖主自堯舜以來能倫比者幾幾朕以涼德繼承統緒勤求治理勉效

前考雖未能跂及萬一然十載之秉公矢誠朗如天日滿漢蒙古並無岐視此心久爲臣民所共曉矣夫滿漢名色猶直省之各有籍貫也文移字跡未便混同初非留此以爲中外之分別乃昧於君臣之義者不體

列聖撫育中外廓然大公之盛心猶泥滿漢之形跡於文藝

記載間刪改夷虜諸字以避忌諱將以此爲臣子之尊嚴
君父乎不知卽此一念已犯侮慢大不敬之罪而不可追
矣此皆始作之大奸大逆譏訕之辭後人由之而不覺淺
夫寡識至於如此朕於大義覺迷錄中曾經詳細開導實
憫天下士民無知而自蹈於大罪想天下士民今已深悉
茲見書籍避忌之謬妄重爲反覆曉諭嗣後臨文作字及
刊刻書籍如仍蹈前轍將此等字樣空白及更換者照大
不敬律治罪各省督撫學政有司欽遵張揭告示窮鄉僻
壤咸使聞知其從前書籍若一概責令填補更換恐卷帙
繁多或有遺漏而不肖官吏遂借不遵功令之名致滋擾

累著一併曉諭有情願填補更換者聽其自爲之欽此

嘉正十二年十二月初六日

上諭據往良鄉等處八城查閱兵丁之護軍統領衣蘭泰奏
稱查閱良鄉等處八城兵丁騎射人人勤習俱已嫻熟悉
能清語其雄縣兵丁五十名內射箭優者一半甚嫻熟者
一半去年因雄縣兵丁騎射不堪不能清語奉旨將該管
協領圖克禪防禦沙渾沙爾圖革職卽於彼處枷號其員
缺特行揀選令其訓練兵丁等皆知皇上因伊等庸劣將
官長治罪者無非欲伊等上進之意是以人人感懼奮勉
力學今皆至於嫻熟等語將此通行各省將軍大臣等徧

爲曉諭俾各該管官兵人人俱知照此黽勉兵丁等世受
國家養之恩人人勤於當差熟習騎射技藝清語以圖
報效該管大臣官員盡心管教使之上進俱係職分當爲
之事若不知互相黽勉只圖安逸疏忽怠玩日流而下漸
至不堪勢必俱獲罪戾如雄縣兵丁騎射不堪不能清語
朕將該管官員治罪另派官員訓練因而人人勤學一年
之間遂至於善如果上下互相勉勵何所不能但患不勤
耳昔

太宗皇帝訓有云管兵之人宜率眾勤習騎射技藝若不預
行學習一旦行軍將何以戰丈夫技藝無過騎射畜自飛

之鷹亦可搏雉調不語之大無有不馴此真
聖之論凡膺管轄之任者俱宜盡心不時勸誨俾勤習一
應技藝兵丁等人人醒悟勤於學習不久自然熟練何患
不能將軍大臣等如不勤加訓練管轄疏忽致兵丁不行
學習技藝生疏撫躬自問是誠何心若止合無知惡少一
時之鄙見而不計及國家關係之重大甯不有負大臣官
員之任乎嗣後仍有似此疏忽不勤加教訓訓練者朕必
將該管將軍大臣等治罪爲衆人鑒戒斷不姑恕欽此

乾隆三年六月初七日

上諭從前

皇祖聖祖仁皇帝時以陣亡士卒之妻孀居無所依
遠給食一半俸餉今八旗饌寡人等內無子嗣無奴僕並
無錢糧可以依賴爲生者俱經加恩給與養贍錢糧但陣
亡人等妻室伊等之夫爲國捐軀而伊等又能貞節自矢
情實可憫理應優恤著交與八旗將陣亡人等妻室內除
有子嗣當差或有奴僕食糧尚可依賴爲生者毋庸飭查
外其無子嗣或子嗣稀少又無家人並無錢糧可依賴爲
生者查明伊夫原係職官給食原品官一半俸祿米石如
原係兵丁給食一半錢糧米石俾其終身永遠沾恩若陣
亡之人無妻室其父母別無子嗣別無錢糧可以依賴爲

生者亦照此例俾其終身永遠食一半俸餉以示朕優恤
爲國報效不惜身命盡力驅場人等之至意欽此

乾隆十二年

前近聞各省駐防旗人等數世同居一城或有協領佐領
等官與其所屬兵丁內因係親友以致諸凡掣肘不免有
賄徇情弊等語果如此可乎從前派滿洲官兵駐防外省
者原因我滿洲習氣純樸技藝精強行走便捷俾綠營官
兵視爲表率之意先以各該城之協領叅領等大員之缺
往往由京城補放遣往後因伊等駐防各該省年久人數
眾多其應陞員缺仍由京補放遣往恐礙伊等陞路是以

皆由本省應補人員內揀選補授者甚多此皆朕體恤駐防官兵之深恩尤當體副朕擢用深心遵守清洲舊習所屬人等勤加演習技藝秉公訓導管轄將此著傳諭駐防旗員兵丁各省將軍大臣等均各嚴飭該管協領叅領佐領等知悉將此等惡習著令痛改至各省以旗分佐領互相調放亦無不可大臣等亦當留心查覈經朕降此旨後若仍不悛改其協領等大員之缺朕必以別省官員調補將此通行曉諭知悉欽此

乾隆十五年閏五月十五日

上諭據鑲黃旗滿洲旗分奏壘爾根之副都統謨爾泰呈請

將伊子帶往任所等語但各省駐防將軍副都統旗員等並非辦理地方事務之文職大臣官員等可比嗣後伊等子弟內如有已及年歲情願帶往隨任者皆聽其自便該旗不必奏請欽此

乾隆十七年

上諭騎射國語乃滿洲之根本旗人之要務朕今嚴校闕京
城世爵其步箭尚可觀及人材英俊者已施恩選取侍衛
並分在各處令其學習行走其射箭甚劣不堪教化者察
明革職別行承襲至各省駐防亦皆有世爵若不教訓騎
射國語伊等近於素餐自暇自逸必致學爲不善著各省

將軍都統等將伊不時教導務令騎射優嫻國語純熟如有教訓不化騎射甚劣者該將軍都統等卽指名叅奏革職別行承襲將此通諭知之欽此

乾隆十八年七月二十九日

上諭滿洲風氣素本純厚皆秉忠義之性向不知書籍自我國寶宇一統始習漢書

祖聖祖仁皇帝特軫念不識漢字之人使之博古有益身心是以繙譯經文四書通鑑等書刊刻頒行茲查不肖之徒並不繙譯正書反將水滸西廂記等古詞繙出導人於不善相傳看閱甚有不通漢文者並將小說亦照漢字之

音以單清字音出互相傳看者此等荒誕之書不惟無益而流移滿洲風氣亦皆由此如愚民惑於邪教比昵匪人大半亦因看視此等荒誕書籍之故實有關於滿洲舊習不可不嚴行飭禁著交八旗大臣及東三省將軍各駐防等處將軍大臣等除奉官繙譯刊刻舊有繙譯三國外有私行繙譯清字小說俱著嚴行查禁現有者搜獲焚燒並交步軍統領將租賣此等之書亦著嚴加禁止將現有板片盡數銷毀勿得存剩倘有不盡心查察無知之人匿藏一經查出惟該大臣等是問欽此

乾隆二十一年二月

上諭各省駐防兵丁不准在外私置田產有病故者其骸骨
及寡妻仍令各回本旗此定例也朕思國家承平日久在
內外俱已相安一體若仍照例辦理則在外當差者轉以
駐防爲傳舍未免心懷瞻顧不圖久遠之計而咨送絡繹
亦覺紛煩地方官頗以爲累嗣後駐防兵丁著加恩准其
在外置立產業病故後卽著在各該處所埋塋其寡婦停
其送京但該處情形不同兵丁內有無力置地營塋者亦
未可定著該將軍都統等酌動公項置買地畝以爲無力
置地窮兵公塋之用再向來此等駐防兵丁有患病事故
呈請回京到京後復挑選差使者甚屬無謂今旣准其在

外置產安葬所有呈請回京之例著停止著爲例欽此

乾隆二十二年五月

上諭各省將軍等遇有陞遷調補及緣事離任其本城副都統內有在任年深者卽令署理將軍印務如到任年分相同無可區別者仍著論翼署理將此永著爲例欽此

上諭各省協領若於軍政案內卓異引見其年滿時毋庸送部卽以卓異引見之日起扣滿六年再行送部引見欽此

乾隆二十二年八月

上諭各省駐防協領六年在滿並無事故者各該將軍大臣等秉公考察出具考語咨送赴部兵部再加考驗帶領

見恭候欽定記名遇有應行開列陞用之處除將俸探之員照例開列外將記名之員另行繕摺隨本進呈欽此

乾隆二十二年十月

上諭駐防協領佐領防禦缺出該將軍都統副都統將應陞人員揀選擬定正陪送部轉咨該旗帶領引見擬陪之員若奉旨記名者回本處後遇有佐領防禦缺出卽行坐補隨時咨報部旗仍於年底彙奏至以協領記名之員於應行坐補時驗無年力衰老行走變改等項事故方准專摺奏補倘平日不行查覈至將年力衰老行走遜前之員坐補將該管大臣查議欽此

乾隆二十四年三月初一日

上諭據塔永甯奏地方官有將公項銀兩詳明交商生息爲
書院義學等項經費者雖事屬因公易啟官商結納之漸
爾爾後各省凡有以息作本營運生息之案非經奏明交
商領運者永行禁止等語營運生息之名本非政體所應
有是以直省營伍雖藉以賞卹兵丁而終爲權宜徒以事
屬久行欲罷不能非朕本意前已降旨將八旗生息銀兩
卽行停罷以肅務餘款充實至綠旗兵眾用繁倘一概議
停生息而不籌一經久充實之策或至因噎廢食著傳諭
該部等各省就本省情形悉心籌畫詳議具奏到日候朕

再降諭旨指內所奏書院義學諸費地方官自行交商生息一事乃其節目之小者然有司陋習相仍其中不無借肥私橐情弊卽應一併定議飭禁以防濫觴欽此

乾隆二十四年七月

上諭前因外省將軍提鎮有表率營伍之責出則乘輿恐致並於便安是以特行禁止其有年逾七十者准自行奏聞請旨近聞將軍提督等有因公赴京遇地方向無馬匹之處或未免拘泥難行且於本處偶值天雨不能乘騎時亦應量爲區別嗣後有似此者俱著准其乘輿但不得因有是旨輒任意乘用及役使兵丁有乖營制欽此

乾隆二十五年六月十二日

滿八旗滿洲蒙古皆各有姓氏乃歷年既久多有棄置本姓而漢習者卽如牛呼魯氏或妄稱爲卽姓卽使指上一字爲儒亦當曰牛豈可直稱爲卽同於漢姓乎姓氏者乃漢洲之根本所關甚爲緊要今若不行整飭因循日久必致各將本姓遺忘不復有知者著將此交八旗各省嗣後引見人員俱將姓氏繕寫絲頭牌面仍勒限一年如一年後經朕詢問仍有不能對答者斷乎不可必將該管大臣一併治罪再挑選秀女時亦一體遵照各將姓氏繕寫絲頭牌面將此通行曉諭欽此

乾隆二十四年十月二十七日

上諭外省大計入法官員均關澄叙大典內如有貪酷二款
既有實跡例應特疏題咨另行審結其年老有疾罷軟無
爲才力不及等款尙屬見聞所共知至不謹浮躁官員向
來咨本內俱未將其何事不謹何事浮躁一一聲叙此內
或有公事本屬無悞而節目偶爾濶疎才具尙可有爲而
氣質不無粗率此等人員其材未必不堪造就上官不能
舍短取長但以意見不能相洽遂概登之白簡固屬可惜
其或該員平日本有敗檢踰閑而該督撫意存瞻徇僅予
遞重就輕轉借此爲周旋劣員捷徑者均非整飭官方之

意嗣後三年計典內如有不謹浮躁等官俱着確案實跡
詳悉登注不得籠統叅劾以昭慎重著爲令欽此抄出到
部查文武事同一例嗣後凡遇武職軍政之年如有不謹
浮躁等官遵奉

前旨辦理可也欽此

乾隆二十四年十一月三十日奉

上諭泰蕙田等進呈磨勘順天等五省鄉試試卷所有簽出
應行處分各卷頗見詳慎均交部照例辦理惟試卷有詞
意紕繆之甚者於文風士習殊有關係卽今日召入諸大
臣及磨勘大臣誰無司衡之任不得不爲明切宣示俾眾

共知之制義一道代聖賢立言務在折衷傳註理明辭達
爲尙前因士子多喜爲剽竊踏駁之詞不惜再三訓諭俾
以清真雅正爲宗並選定四書文頒貼內簾令考官知所
程式乃今科順天鄉試中式第四名邊嚮禔文內竟有飲
君心於江海之語揆其命意不過如飲和食德常言耳而
蕪鄙雜湊遂至不成文義此豈字句小疵可比雖不宜以
一語擯棄亦何至濫廁前茅若他卷尋常舛謬正不可悉
數蓋由典試事者不能別裁僞體而所好或涉新奇士子
揣摩效尤不知隨入惡道此病自有科目以來皆所不免
唐時韓愈以試文類於俳優爲恥且甚其詞曰人笑之則

以爲喜人譽之則以爲憂可見有司尺度一不足憑深爲
取士之累然其毅然以道自任尙思廻狂瀾於旣倒况大
臣等將文學侍從甄拔羣材而可不秉經樹則端後進之
斷向乎有明決科之交流派不得純正但如歸有光黃滔
龐勣人皆能以古文爲時文至今具可師法國朝人文蔚
興前如熊伯龍後似李光地輩並根據理要而體裁自見
閎整至若張照等步趨李光地亦知彷彿先民矩矱雖所
詣不深要尙不失於正茲因抽閱試卷特降旨明白宣諭
使衡文作文者咸以正風尙厚人心爲務愈見前此勅部
定例磨勘裨益宏多又非直爲屏斥具文起見也將此道

諭中外其明體朕意仍將此旨錄於至公堂俾嗣後司文者知所驚惕欽此

乾隆二十七年

諭各省駐防將軍品階列在總督之上地方雖非專屬而尊卑異等相見自有一定之儀載在會典遵行已久陝西一省地方各屬接見將軍並不照接見督撫之例甚非政體國家於省會分駐重兵將軍職司統轄有司不循禮節匪獨體貌攸關在官必生文武之嫌在下易滋兵民之事不獨不深防其漸著通諭各省俾知恪遵定制毋得稍逾以肅官箴又

各省將軍總督班次因將軍銜大俱在總督前此定例也
其總督未兼銜者理應如此若經加恩兼銜者其班次即
當照兼銜序定即如尹繼善兼銜御前大臣高晉兼內大
臣其銜俱在將軍上自應在將軍前列嗣後有朕加恩兼
銜者其班次俱照此前列永著爲例欽此

乾隆二十九年四月

上諭前因各省將軍都統等所轄弁兵濫行差遣及私事隨
帶役使漫無節制曾經酌定額數旋以該弁等往來道途
遠離職役或致貽誤妨因降旨嚴行飭禁今據大學士
尹繼善奏稱將軍督撫等來京陛見祇候宮門僕從所不

能到若無有職人員供其使令亦多未便嗣後仍著照原定額數酌帶給用但不得任意多派致地方營伍曠弛著通諭各將軍都統督撫提鎮等知之欽此

乾隆四十二年十一月

上諭各省將軍向例不戴花翎必俟特賞方准戴用但提督尙有賞給花翎者將軍有統轄一省職任向宜戴翎不必俟賞給後方行戴用嗣後補授外省之將軍原無翎者卽准其戴翎著爲令欽此

乾隆四十三年

上諭內外旗員患病該管大臣委員確驗酌量給以假期總

不得過六箇月之限如六箇月仍未痊愈有職任者開缺如係世職將俸祿停止俟病痊之日有世職者俱呈該旗都統隨旗當差行走自當差之日起支俸無俸職者俱候缺補用其內外世職官因病告假如過六箇月之限仍照例停俸至一年後調養未愈不能當差令該管大臣查驗實在情形如果殘廢卽應開缺將應襲之人另請承襲如無應襲之人該管大臣奏明請旨辦理至額外食俸官員亦照此例定限有逾限不痊者卽行停俸俟病痊之日仍在原衙門行走倘無疾捏稱有疾呈報者將本官降一級調用驗看官罰俸一年出省之該管官罰俸六箇月欽此

乾隆四十三年

上諭各省駐防將軍都統副都統所轄三品旗員降一級調用者遇有本處駐防四品官缺出擬補降二級調用者遇有本處駐防五品官缺出擬補降三級調用者遇有本處駐防六品官缺出擬補其駐防四品旗員降一級二級調用者與駐防三品旗員降二級三級調用之例同駐防五品旗員降一級調用者與駐防四品旗員降二級調用之例同此等駐防降調人員該將軍都統副都統俟咨送應陞人員引見時將降調人員聲明降調緣由一併咨送該旗列名於應陞人員之後帶領引見其廣東福建四川甘

鼎等遠省降調旗員引見一次未補俟過半年後遇有缺出該將軍等聲明未補情由出具考語具奏與應陞人員一併咨送該旗列名於應陞人員之後帶領引見恭候欽定近省降調旗員引見一次未補俟過半年後遇有缺出仍照初次咨送該旗帶領引見如未經補用俟再過半年後遇有缺出該將軍等聲明未補情由出具考語具奏與應陞人員一併咨送該旗列名於應陞人員之後帶領引見恭候欽定至駐防三品旗員降至四級以下調用四品旗員降至三級以下調用五品旗員降至二級以下調用者在外無缺可補停其補用若身有世職仍在世職隨該

處行走如是由京補放之員降至七品在外無缺可補情願來京者准其以七品城門吏擬補駐防旗員降級應補驍騎校者不論省分遠近該將軍等俟咨送應補人員隨時聲明降調情由一併咨送該旗列名於正陪人員之後帶領引見如未經補用俟第二次驍騎校缺出將擬陪記名之人坐補後至第三次缺出再行聲明未補情由咨送該旗列名於正陪人員之後帶領引見恭候錄用駐防降調旗員遠省引見二次近省引見三次未經補放者停其再行來京引見俱按所降之級令其原品休致其駐防降調以驍騎校用者至第三次引見未蒙補放亦卽照所降

之級令其休致欽此

乾隆四十三年

上諭各省駐防平等行走之筆帖式六年俸滿其通曉清漢文義者該將軍等保題聽吏部分別補用外其不通曉清漢文義並不能遷移來京情願守候本處武職者於歷俸年滿後該將軍等出具考語咨送兵部帶領引見准其記名後遇有本處本翼驍騎校缺出俟領催等用過三缺之後補用一員至筆帖式由兵丁考取後仍與該處官兵一體練習騎射如果行走勤慎辦事好弓馬嫻熟者三年俸滿遇有應陞驍騎校缺出卽與領催等一體揀選照保送

驍騎校之例送京引見補放此內有曾經出兵効力者仍
令該將軍等照舊酌量與記名領催一體陞用如辦事平
常弓馬不堪者於年滿時不准改補武職卽行咨部開缺
年滿記名後行走平常卽將記名之處咨部註銷欽此

乾隆四十三年三月十九日

上諭看來各省揀放佐領等官送京引見只送一人並無擬
陪之人其查哈爾旗分放佐領等官俱送擬正擬陪之人
引見並不畫一而防禦以上俱係大員一缺僅送一人引
見於理不合自當更定著兵部行文各省將軍都統嗣後
補放協領佐領防禦等官俱著揀送擬正擬陪之人引見

荊州駐防八旗志

卷二

陳前

三

朕將擬正之人補放其擬陪之人可否准其記名臨時降旨伊犁烏魯木齊俱係邊疆途遠補放此等官員仍照舊例辦理欽此

乾隆四十三年

上諭各省駐防嗣後協領兼管佐領務須各翼各旗更調不得兼管本旗佐領再京師八旗叅領內有管本甲喇佐領者亦應更調著交八旗將現管本甲喇者卽行調補別甲喇著永遠爲例欽此

乾隆四十三年六月

上諭今日閱看鑲紅旗滿洲承襲佐領宗譜見一

父子之名俱以齊字爲首又一支內所有人名俱以杜字爲首齊杜俱係漢人姓氏因循既久數傳後轉似伊等姓氏竟染漢人習氣除已經命名者毋庸更正外嗣後滿洲等命名斷不可以此數代同以一字爲首我滿洲原有姓氏何可忘本而改易漢姓耶將此通行曉諭八旗各省將軍副都統一體遵行欽此

乾隆四十六年七月初二日奉

上諭據興寧等奏六月十九日江水盛漲漫溢灌入荊州府之護城河所有東西北三門俱被淹浸沙市一帶至觀音寺泰山廟等處堤垸均有衝塌現在督同地方官設法防

護一面知會督撫等語前據舒常奏鍾祥等四縣垸田灘地均有衝漫已批交該督撫親往查看有實係成災者卽善爲撫卹今據興肇等所奏此次江水盛漲漫溢之處著傳諭舒常鄭大進務卽督率所屬實力撫綏加意賑卹毋使貧民稍有失所將此由六百里傳諭知之仍將如何查辦緣由迅速覆奏並諭興肇等知之欽此

乾隆四十六年八月十五日奉

上諭國家設兵衛民簡核軍實期於行伍整齊兵額充足如兵丁等紅白事件從前設有生息惠濟銀兩以資賞卹後因生息名色有關國體特飭停止昨據阿桂等奏陝甘添

兵案內籌及賞卹聲請酌復惠濟銀兩朕以國家賞兵之
費藉商生息支給究屬非宜已傳諭阿桂等令其動用正
項開銷矣茲袁守侗海祿前赴行在令軍機大臣傳旨詢
問直隸雲南支銷款項據稱直隸裁扣公糧銀二萬兩雲
南裁扣公糧銀一萬六千餘兩以備賞用等語看來各省
大都如此兵丁紅白銀兩原係加惠營伍格外施恩因此
裁扣名糧致兵額不足殊非核實營伍之道況今戶部帑
項豐盈各省藩庫積存充裕卽現在京營添兵四千九百
餘名其馬步糧餉合之各省兵丁賞卹紅白銀兩約算歲
支尙不及百萬國家何靳此費不令開銷正帑而各省乃

紛紛裁扣名糧又且請復生息甚無謂也朕臨御四十六年以來惟事事敬

天勤民爲念凡三次普免天下地丁錢糧兩次普蠲各省漕糧以及遇災卽賑總計何啻萬萬又並未加增賦稅仰荷上蒼嘉佑開拓邊陲府藏殷實國用充饒朕又豈肯稍存靳情致令有司開聚斂剋扣之端乎所有各省營伍賞卹兵丁紅白銀兩自乾隆四十七年爲始俱着於正項支給造冊報部核銷至各省提鎮以下武職員弁俱有應得坐糧馬乾等項前於六月內業經降旨通諭各省督撫將各該省武職所得公項逐一查明覆奏俟奏報到齊令軍機大

臣會同該部核辦照文員之例議給養廉其所扣兵餉卽可挑補實額核計添給養廉歲支亦不及二百萬兩官員卽無拮据而各省又增添兵丁於營伍大有裨益朕御極之初戶部庫項不過三千萬兩今已增至七千餘萬復有何不足而不加惠天下散財以得民乎所有辦理添補兵額紅白卹賞銀兩及各糧裁添養廉緣由明晰曉諭中外知之欽此

乾隆四十六年十月

向來各省駐防滿洲已安居百有餘年京城並無伊等近族而京城滿洲生齒日繁若准其進京無以爲生反爲

無益是以概不准來京自開闢新疆分派官兵前往駐劄以來在京滿洲陸續駐防各省者甚多此內亦有派往駐防時因子弟在京當差仍留在京者如伊在駐防處年老退休並無依倚之人卽不免失所朕心深爲不忍嗣後各省新派駐防人員內如有年老退休實無依倚之人京中尙有子嗣意欲就養者著該處將軍等查明令其回京就養但一概由官辦理回京則不願在彼之人不無藉端皆欲回京反非朕愛惜旗人之意其年老退休欲回京就養者著令自備資斧來京不必官爲辦理著爲令欽此

乾隆五十三年七月初四日奉

上諭圖桑阿陳淮奏六月二十日荆江夏汎漲隨督同地方文武員弁將護城各隄塍加築搶修各城門下閘堵開分段照料詎酉刻隄塍潰決江水直逼城下冲開西北兩門滿漢兩城文武衙署兵民房屋以及倉庫監獄俱被淹沒兵民多赴城上及屋頂樹上逃生其奔走不及者多被淹斃經陳淮令隄身家丁紮筏渡赴沙市招募船隻圖桑阿亦動項雇船分救滿漢兩城人口赴城上搭棚棲正現酌動府倉南米散給撫卹其駐防綠營兵丁俱照例借給一月口糧監犯現查獲三十八名其餘五十名是否淹斃或私逃上緊查究又隨陳淮辦事之州同委業耀被冲無

踰至二十三日水勢稍平陳淮現在荊州親身督查俟辦
有頭緒方可回省等語荊州因江水泛漲潰決隄塍致滿
漢兩城均被淹浸兵民四散逃避其奔走不及者卽被淹
斃情狀聞之惕然惻然幸而陳淮因往長陽查災回省適
至荊州伊係藩司呼應較靈得以招募船隻分救兩城人
口並酌動府倉散給兵民得資接濟該司此時自應在彼
親身督查此次荊州被淹情形甚重姜晟一得陳淮稟報
自己起身前往舒常目下亦當回任並著馳往該處會同
詳細查辦加意撫卹一面奏聞一面動給勿使兵民失所
但該處隄塍興修未久荊州前曾被水其淹浸情形並未

聞如此之重此次清漢兩城均被淹浸雖係大江夏汛泛漲究由隄塍不固被水潰決所致除交軍機大臣詳查具奏外著傳諭舒常等即將所決隄工係何年何人承修因何工程不固以致潰決隄身處查明據實叅奏至州同龔業耀隨同陳淮辦事派在西門督夫閉閘致被冲無蹤該員係因公淹斃殊堪憫惻著該督等卽咨部照陣亡例議卹其駐防及地方官各員內如有淹斃者亦屬可憫並著該督等會同該將軍查明一併咨部量予優卹至監犯現無下落者因應上緊查明分別覈辦其現已查獲之三十人各如係當時救出另行監禁者自應仍照本案辦理如

係被水得生自行投到者尙爲守法卽應照其本罪量予減等仍著該督等將現在查辦情形各行迅速覆奏以慰廑念欽此

乾隆五十三年七月初五日奉

上諭昨據圖桑阿陳淮奏荆江夏汎泛漲潰決隄陸將府城及清墩全行淹浸已有旨令舒常姜晟速赴該處詳細查辦矣此次荊州被淹情形較重所傷人口必多朕披閱奏摺爲之惕然惻然該督撫到彼後務宜詳細查明加意撫卹一面奏聞一面動給俾資接濟不可諱飾致兵民稍有失所至水所淹浸旣在城郭地方或於田禾尙可無妨而

著該督等逐加履勘如亦有被淹損傷之處卽一併妥爲撫卹據寶具奏再閱圖桑阿等摺內稱隄塍潰決時衝開西北兩門水遂入城等語以所奏情形而論隄應在江之南而府城又應在隄之南乃輿圖並一統志圖內荊州府城又繪在江之北與所奏情形不符並著該督等卽將荊江在府城何方相距遠近若干隄塍在何處潰決詳細繪圖貼說呈覽將此由六百里諭令知之仍著將如何妥籌撫卹情形迅速據實覆奏以慰廑注欽此

乾隆五十三年七月初七日奉

上諭前據圖桑阿陳淮奏荊江泛漲府城被水衝淹已屢諭

舒常等親往查勘妥爲撫卹矣其摺內稱西刻隄墜潰決江水逼城下遽將西北兩門冲開等語前此荊州被水時水勢亦曾至城下當將城門關閉用土圍塞城內並未衝入此次水淹府城若係冲塌城垣而入尙可諉爲人力難施今水逼城下冲開西北兩門自由城門並未圍土辦理不善所致至隄墜各工尤爲禦水而設本日據軍機大臣查奏四十四六兩年荊州兩次被水俱曾借項興修隄墜用銀七萬餘兩及四萬餘兩不等分年於各業戶各下徵還該處隄工因倒歸民修向無保固督撫等既不慎重揀派妥員辦理而承辦之員又以此項工程係動用民力

並不認真修築外省官辦工程尙有草率浮冒情弊何況
興修之工官員等從中偷減浮開尤屬事之所有以致隄
防不克鞏固屢被冲決而此次被淹情形尤重著傳諭該
督等務遵前旨卽將現冲隄工係何員承修查明嚴叅著
諭以示懲儆至該處被淹兵民情狀可憫該督等務當遵
諭體卹次諭旨詳晰查明加意撫卹所有此次撫卹被淹各
戶口以及修理隄工城垣倉廩監獄並兵民房屋除官員
衙署可以分年借廉修補外其餘共需用銀若干之處並
著該督等卽通盤約估大概先行具奏若錢糧不敷又可
通撥該督等務當親加履勘切實估計不得一任屬員藉

浮報預爲侵冒地步也將此由六百里加緊諭令知之
將查辦情形迅速覆奏以慰厯注欽此

乾隆五十三年七月十一日

前據圖桑阿陳淮奏荊州江水泛漲隄塍潰決以致府
屬及滿城均被淹浸覽之惻然惕然已屢有旨諭令舒
等迅速前往詳晰查明妥辦撫卹矣看來荊州被淹情形
甚重本日又據圖桑阿奏該處城垣四十四六兩年曾兩
次被淹城垣本不堅固此次被淹更重等語荊州城垣既
因被水淹此次因冲開西北兩門水直入城垣內水澤一
尺雖漸次消落而城垣經此一番淹浸基址必至鬆

動因矧勢須另行修建朕意該處城垣屢被水浸自因江水頂衝之故而城內水至丈餘其地勢亦必低下可知但該處爲古來重鎮近乃屢被淹浸殊非捍衛久安之道或江路有所遷移乎茲旣另需修建何必與水爭地莫若擇一處勢較高及非頂衝之處酌量移建庶可一勞永逸若該府民人安土重遷或難改徙不妨將城垣衙署酌移高阜處所收小改建亦無不可至該處城工旣需另建而衙署倉庫監獄以及駐防官兵房屋一切立被水淹均須查明分別修建其被災人口尤應亟行撫卹需費浩繁該省藩庫所存銀兩必不敷用著於戶部庫內動撥銀二百萬

兩並派戶部司員二人每人管解銀一百萬兩徑送荊州
應州並著沿途各該督撫速備人夫車馱直省著派梁寅
堂河南著派景安湖北著派李天培各派出道府營員一
備護送以期迅速解到至此次荊州城垣可否改建及尙
可因舊朕不能懸度及一切撫卹事宜所關甚鉅恐舒常
等見該未能周到阿桂歷經委任自能善體朕意總
成於工程亦爲諳習著派令由驛前往勘辦所有城工應
否改建及如何籌辦毋致再被水淹之處著派阿桂會同
舒常定議具奏改與不改阿桂定之其料估城垣倉廩及
駐防官兵房間等項工程著交德成核實估計具奏阿桂

德成接奉諭旨卽迅速起程前往不必前過行在請訓其
詳悉俟朕細思續有指示辦理之處卽行由驛陸續寄至
同仁等到彼當詳細籌勘妥協辦理不必泥於道旨以副
朕軫念兵民保障久遠至意其留京事務著紳克托代辦
欽此

上諭又一道本日據圖桑阿奏荊州城垣四十四六兩年曾
兩次被淹城垣本不堅固此次被淹尤重等語荊州城垣
前經兩被水淹而此次水冲入城被淹尤重基地必至鬆
動問楚若僅間段黏修仍不能復資鞏固自須另行築建
但荊州爲古來重鎮城猶是城江猶是江何以從古俱未

國有被淹之事而本朝百餘年亦未聞此事乃十年之間
四十四回十六及本年三被淹浸而此次江水竟至冲入
城內是否因江流又有遷移密邇城垣以致頂衝受患著
同柱到彼務宜會同舒常親加履勘並留心訪問將近年
江水有無遷徙情形據實查明具奏該處城垣既須另建
若仍在舊有基址建築所省無多而與水爭地將來或仍
有潰決兵民被淹成何事體自宜另度形勢選擇離江稍
遠高阜之區另爲移建但是否果有其地朕亦難以臆度
且該處地方富庶或人民世居其處未免安土重遷有難
於移建之勢則又宜酌量情形將城垣收小讓出低窪之

處不必與水爭地俾免受淹第城垣旣行收小滿漢兩城
兵丁居民人等眾多恐不能容納朕意該處城垣若可移
建究以移建爲是但朕遠在數千里之外無從懸揣總在
阿桂到彼與舒常會同詳悉揆度通盤籌畫期於一勞永
逸亦不必泥於遵旨德成止諸習估計工程於察看大局
形勢非其所長且德成向與阿桂齟齬若令會辦恐轉致
掣肘所有酌量改建城垣一事竟著交與阿桂會同舒常
詳悉定議德成毋庸撓置一詞其估計城垣及駐防官兵
房屋一切工程則專交德成核實確估以專責成再該處
堤脛修理未久如果工程堅實何至屢被水冲自因該工

何係民修承辦之員並不認真妥辦佐襄者嘗草率從事
甚或侵漁人已均屬事所必有前已有旨交舒常等查明
嚴叅恐該督等意存迴護或仍令地方官捏稟以所修隄
塍已被冲潰無從查考爲詞希圖朦混朕思隄道通綿
亘雖被水冲潰斷無全行冲去之理卽被冲處所亦必有
基址可驗德成於查工一事尙屬認真明白著阿桂會同
該侍郎逐一親加驗看如有工程草率及偷減情弊卽分
別嚴叅著賠又城門被水冲入必係城門內未經圍土辦
理不善以致水入城內亦著阿桂一併查奏至荊州爲
聖帝君鎮守之地該處必有廟宇崇奉今城內水深丈餘

恐廟貌亦不免浸損如將來城垣應須移建自將舊有棟
宇移在新城建蓋若城垣實難移建務須將原有廟宇重
行修整俾輪奐一新以壯觀瞻而崇虔祀其倉庫衙署監
獄駐防官兵房屋各工亦俟城垣定議後以次分別上緊
修建但各處駐防滿城俱不過於省會及府城內築立界
牆以爲限制此次荊州若欲改建滿城亦止須照西安杭
州等式樣於府城內築牆爲界不必另立一城致滋糜費
其駐防官兵等據圖彙阿奏請借給銀兩以爲建蓋房屋
買立馬匹等用分年扣還等語現已降旨賞給但此次被
災較重恐所賞銀兩之外尙有另當量爲撫卹之處業經

并馬匹人方元
降旨令戶部撥庫銀二百萬兩解往備用阿桂可卽於此
銀兩內撥出二三萬兩會同該將軍詳細查明如尙有
應行安插撫卹者卽一面奏聞一面給發以副朕加意旗
人有加無已至意至買馬一事另有旨將此由六百里各
諭令知之欽此

乾隆五十三年七月十二日奉

上諭昨因圖桑阿奏荊州城垣四十四六兩年雨被水淹本
小堅固此次被淹尤重等語因思該處城垣屢經淹浸或
因江水遷移密邇頂衝之故且屢淹之後基址鬆浮自須
遷移何不選擇離江較遠高阜處所移建以期一勞永逸

阿桂歷經委任於大局形勢較爲請引是以派令前往會同該督履勘定議具奏但阿桂到彼尙需時日舒常於二十六日自省起程計此時早抵荊州著將昨日及本日所降諭旨先行寄與舒常閱看令其先將該處城垣究竟應移與否之處詳悉籌勘不必等阿桂到彼卽就所見據實迅速覆奏將此由六百里傳諭知之欽此又奉

上諭昨因國桑阿奏荊州城垣四十四六兩年曾兩次被淹城垣本不堅固此次被淹尤重等語恐該處城垣屢經淹浸基址鬆動閃矧另須建築已派阿桂前往會同舒常履勘是否可以酌量移建並詳細諭知矣但荊州爲古來重

鎮城猶是滅江猶是江何以從古俱未聞有被淹之事而
本朝百有餘年來亦未聞此事乃十年之間四十四六兩
年及本年三次淹浸而此次江水竟至冲入城內情形尤
重且閱輿圖志內荊州繪在江北若果在江之北則水勢
應由西南兩門而入何以此次又繞至北門殊不可解是
否因近年江流又有遷移竊邇城垣以致頂衝受患是以
昨思及該處城垣既需另建若仍舊基址與水爭地將來
或仍有潰決不成事體因令阿桂前往確勘再定但城垣
既移則衙署倉廩監獄等項概須搬移所費又恐不貲況
該處素稱富庶民人世居其處亦不免安土重遷雖百姓

願移與否尙可聽其自便而衙署等項亦可量爲收小然
究恐需項浩繁朕意此次水勢雖冲入城旋即消退若文
武大衙署並倉監等項不過稍爲浸濕或有房間尙好者
或有基址未動者約易收拾而商賈民居不至蕩析又不
如不移之省便第昨據圖桑阿奏滿城地基較高尙被淹
浸則水勢雖由西北兩門而入其東南各門恐亦一律淹
浸或文武大衙署並倉監等項基址全行泡壞與其於鬆
淨之地重行建蓋仍不堅固又不如擇一高阜處所收小
移建之爲愈德成於工程尙爲熟諸著令其逐加詳勘並
將該處城垣等工移與不移通盤估計孰爲減省據實具

奏此事朕在數千里之外無由懸揣因反覆思維究不能知移與不移朕官民兩便朕實無成見阿桂歷經委任必能善體朕意惟在阿桂等到彼詳細察勘虛心採訪妥商具奏以期一勞永逸其荊州自本朝定鼎後曾否被水除交軍機大臣詳晰查奏外並著阿桂等到彼後一併查明具奏至隄塍原爲禦水而設若果隄工堅固不至潰決原不能遽至城垣與其挪移城垣而隄工不固或又冲決被淹豈不徒滋勞費若城可不移莫若將所省移城之費於修隄時量爲估計加高培厚認真修築俾崇墉屹立亦足永資保障但該處隄塍興修未久何以即被水冲自因承

辦各員見該工例係民修從中偷減草率情弊顯然著阿
桂德成務遵昨降諭旨到彼後親勘基址分別嚴叅治罪
著賠至該處城垣無論移與不移但經此屢淹之後基址
必不能鞏固若僅間段黏修不久又虞損裂殊非長久之
計總當重行建蓋著交德成詳細察勘或將低窪之處讓
出或另加高培厚堅固建造以垂久遠將此由六百里再
行傳諭知之欽此

乾隆五十三年七月十四日奉

上諭據阿桂奏前往荊州查勘應否改建城垣摺內稱向熟
習該處情形之人留心訪問聞得荊州府治對岸一帶向

有洩水之路八處近惟虎渡一處現在尚可洩水其餘七處俱入在湮廢江水分洩之路既少又沙市對岸有地名
舊金灘向來祇係南岸小灘近來沙勢增長日加寬濶江
流爲其所逼漸次北趨所謂南漲北坍以致府城瀕江隄
岸多被冲塌屢致淹浸其故或由於此等語已於摺內批
示荊州爲古來重鎮城猶是城江猶是江何以從古俱未
聞被淹之事而本朝百餘年來亦未聞此事乃十年之間
四十四六及本年三被淹浸而此次江水竟至冲入城內
朕卽疑必因江流或有遷徙密邇城垣頂衝受患所致今
據阿桂查詢荊州對岸洩水之路竟有七處湮塞而舊金

灘近復沙勢增長寬濶以致江流漸次北趨府城瀕江堤岸多被冲塌淹浸觀現在被水情形則阿桂所言竟是該處受病有由已非一朝一夕之故而地方官之漫不經心已可概見現在阿桂到彼尙需時日著傳諭舒常到彼先將荊州對岸一帶親加履勘是否實係該處洩水之路漸就淤塞密金灘沙勢增長逼江北趨卽行查明據實具圖貼說覆奏不得因失察於前又復迴護於後阿桂到後亦卽行詳悉查明覆奏又據阿桂奏荊州城垣一切布置規模山來已久不便輕議更張卽當查看地勢或於府城瀕江處所築建雞嘴石埧之類逼溜南趨將密金灘沙漸次

衝刷等語所見甚是荊州城垣若需移建則衙署倉廩監獄等項概須搬移所費不貲況該處素稱富庶民人世居其地亦不免安土重遷朕意若府地可以無需移建自以不移爲是昨已降旨傳諭阿桂到彼後務宜與舒常察看情形悉心籌酌若該處文武衙署並倉廩等項不過稍爲浸淫房間基址未動尙易收拾而商賈居民不致蕩析自可無庸將城垣移建卽當於瀕江處所酌建石垣逼溜南趨再於從前洩水故道擇其疏消得力易於修復者卽爲挑復並將窖金灘上挑挖引河俾府城不受水頂衝自可長期鞏固阿桂歷經委任諳悉形勢務與舒常酌籌盡善

因利乘便妥爲辦理總期一勞永逸方爲全善將此由六百里各傳諭知之欽此

乾隆五十三年七月十八日奉

上諭據舒常奏馳抵荊州查明被水情形一摺並據繪圖呈覽詳閱國內沿江隄工漫潰至二十餘處各寬十餘丈至數十丈不等是此次荊州被淹較重竟由隄隘不固所致該處隄工於四十四四十六兩年被水後均曾借項興修如果工程鞏固何致屢被漫決外官習氣不堪官工尙且思肥已況此項工程例係民修向無保固承辦之員併不認真籌辦草率從事甚或浸漁入己均屬事所必有屢經

降旨交阿桂等查明嚴叅著阿桂等到彼後卽會同舒常等詳細查明以十年爲限所有現決之隄工如在十年以內興修者承修之員俱當從重治罪仍著落賠補其監修之該管道府及藩司督撫等亦着一併查叅分別議罪著賠嗣後並著定限保固十年如在限內衝潰者卽照此嚴行叅處以示懲儆此次荊州被淹旣因隄工不固之故則該處城垣自以不移爲是著德成到彼後詳細察看堅實重修以垂久遠其衙署倉監等項並著阿桂德成等會同確勘分別動借以次興修至該處隄勝爲全郡保障所關甚重從前因係民修以致地方官辦理不善任意刻減

被衝淹況該處民人現在被災較重朕心方爲惻然亦不忍再令其自行修理所有此次應修各隄工竟著動項興修官爲辦理並著阿桂德成妥爲估計務期加高培厚認真修築俾崇墉屹立永資抵禦其將來每歲修理需費無多再照例辦理以示體卹又據舒常圖桑阿等奏坍塌兵房請准銀修復每年扣還一摺此次被淹尤重所有該兵丁修復房屋各費朕亦不忍復令其扣還前已有旨竟全行賞給並着阿桂等到彼後卽遵前旨會同查明妥辦仍酌量撫卹俾無失所至城垣內外淹斃大小男婦人口經舒常等查明共有一千三百六十餘名此等民人因躲避不

及倉猝淹斃實堪憐憫皆當賜卹其餘各災戶現在城上
棚居住者尙有一萬餘人雖據舒常奏連日天氣晴明
兼之撈獲各倉溼米散給糊口人心安謐覽奏爲之稍慰
但各災戶被淹之後房屋倒塌棲止無所而田禾被水淹
漫亦恐多有損傷着舒常等卽先行詳悉查明加意撫卹
似此重災祇當期於無遺不必復言無濫該督等宜善體
朕意妥協辦理也又據姜晟奏接准督臣咨會續調銀二
萬兩錢四千串解赴荊州應用已飭照數解往等語荊州
現有修建隄城垣各工及撫卹兵民之用需費浩繁慮
倉庫所存不敷動用早發戶部銀二百萬兩派員往

速解往並著阿桂到彼是盤約算如尙不敷用卽據實奏聞以便再行撥解應用至楚省今年被淹處所較多前據姜晟奏長陽蒲圻等處皆被水淹已有旨諭令一體查明妥辦本日又據該撫奏漢陽武昌兩城俱因江水過高城中積水無從消瀉低窪之處間至淹溢省城貢院尤爲低下湖水潰入號舍等語現屆賓興大典所有淹潰號舍著該撫卽上緊設法疏消其被淹各處雖有輕重不等但同係災民皆當一例撫卹不可因荊州府城被水較重皆注意在彼而予被水之荊州縣未免心存歧視致有失所向隅之處姜晟現在省城籌備一切並著該撫一體詳加妥

辨以副朕軫念災黎一視同仁有加無已之至意欽此又奉

上諭據舒常奏荊州沿江隄工漫潰至二十餘處各寬十餘丈至數十丈不等並繪圖呈覽是此次該處城內被淹竟由隄塍不固所致已降旨令阿桂等將十年以內承修該管各員查明分別嚴叅治罪著賠矣此事前據圖桑阿陳淮奏隄工潰決後江水冲開西北二門而入朕意該處西北二門被冲大江自應在府城之北及查閱輿圖及一統志圖大江則皆謂在府城之南昨據舒常所進之圖又與輿圖所繪南北方向相同江旣在南則城內被淹時水勢

自應由南門而入何以此次又繞至北門殊不可解此必
從前承修隄塍各員見該工例應民修任意草率偷減侵
肥入己該管上司復不以事爲事以致工程不固一經江
水漲發不足抵禦在在潰決江水建瓴而下將並非頂冲
處所亦被冲淹况閱圖內隄工潰決共有二十餘處自係
迤西之隄先行潰決是以水勢由西南繞至西北遂至冲
開北門入城以致成大災無疑昨福建臺灣文武員弁因
循玩愒肆意貪婪竟致釀成逆案不得不徹底究辦湖北
吏治亦屬廢弛已極活埋冒賑之案相繼敗露其辦理鹽
務輒敢私立匿費名目大小官員染指肥橐累商滯課今

於承修隄工又復一任劣員肥已悞公屢被冲潰而此次江水竟至淹入城內被災甚重前據圖桑阿查奏滿城淹斃者共四百餘名昨又據舒常查奏府城大小男婦淹斃者一千三百餘名外省官員於災傷向有諱飾茲報出者已有一千三百餘名之多則其諱匿不報者必尙不止此數想來不下萬餘此等災戶流離顛沛傷斃多口可憫可憐皆由隄工不固以致罹此重災若不將承辦及該管之員從重治罪又復何以示懲儆而慰輿情除交軍機大臣將十年以內歷任湖北督撫藩司及荊州道府詳細查明具奏外並著阿桂到彼後將十年以內之承修隄工官員

暨該管各上司一體詳查嚴肅分別從重治罪仍著該
用昭懲創至沿江隄塍爲百姓保護田廬而設固應動用
民力此次因被淹至重朕不忍令被災之民按創修理業
經降旨動用帑項官爲堅實修築永資保障俟將來每歲
修理需費無多再照例辦理但該處民人甚衆若竟歸於
民修不復官爲經理則百姓等雖肯首先出資踴躍從事
卽如井田之制宜古者未必宜今若此時而沿襲井田卽
而我公田遂及我私之句亦徒虛語是將來修理隄塍各
費派之於民而仍當官爲經理第不肖官吏於官工尙思
侵剝則已矧此項工程例歸民修並無保固官員等不特

之外可以藉端加倍洒派入其囊橐而且草率從
工巡司以無查察殊非慎重隄防保護民命之道自應立
定章程於應修時專派大員確切勘估借項興修俟報部
核准再按數攤徵歸款並定以保固年限如在限內有決
決之事卽嚴添治罪著賄賂工程可期永固而官員亦不
致有侵蝕情事方爲妥善除此大應修之隄交阿桂德成
妥爲估計動項官辦外其將來民修隄工作何如至保固
之處著阿桂到彼後卽會同舒常悉心妥議具奏再行常
所建之固未甚明晰閘之不能了然著該督撫查明具奏

隄屋先由何處冲決江水又因何繞至北門其被淹各處
所係何地方另行展寬圖幅詳細繪數貼說呈覽欽此

乾隆五十三年七月二十日奉

上諭前因荊州被水較重一切修理城垣撫卹災戶等事該
省藩庫所存銀兩必不敷用因命於戶部庫內撥銀二百
萬兩派員分起迅速解往業據戶部奏覆頭起銀一百萬
兩已於十九日派員領解起程矣茲據畢沅奏豫省藩庫
現有地丁銀一百八十餘萬兩本應歸入秋撥案內候部
撥用請卽於司庫撥銀一百萬兩委員解往襄陽府交收
一面飛咨湖廣督撫委員接解似於運送倍速等語現在

部庫頭起銀一百萬兩業已起程而二起尙未起解著卽照畢沅所請於河南藩庫內撥銀一百萬兩委員解赴湖北一路迅速接遞解到荊州以供應用其戶部二起銀一百萬兩竟著停止如此一轉移之間既可省陸續撥運之煩而就近解往荊州並可早得接濟將此有六百里諭戶部堂官並諭畢沅知之欽此又奉

上諭昨據舒常奏查勘荊州被水情形一摺並繪圖呈覽披閱國內沿江隄工漫漲至二十餘處有名寬十餘丈至數十丈不等是此次該處城內被淹竟由隄塍不固所致已降旨令阿桂等將十年以內承修該管各員查明

案治罪等貽矣近來湖北吏治廢弛已經活埋冒賑之案
一經披露其辦理暨務輒敢私立匪費名目大小官員染
指分肥累商帶課今於承修隄工固係民修向無保固又
復一任劣員剋減浸漁以致工程不固一經江水漲發不
足抵禦正在潰決從來河工偶有頂衝漫溢不過一二處
乃該處沿江隄戍冲潰至二十餘處之多成此大災前據
閩桑阿查奏滿城淹斃者共四百餘名昨又據舒常奏府
城大小男婦淹斃者一千三百餘名外省官員於災傷向
有飾飾茲報出已有一千三百餘名則其諱匿不報者必
尚不止此數想不下萬餘此等災戶流離顛沛傷斃多口

皆由匠工不同以致罹此重災昨福建臺灣文武員弁因循玩愒肆意妄為成逆案不得不澈底究辦因著勒渾雅德久任該處督撫此皆係伊二人之罪卽令學交刑部治罪茲湖北官員雖無釀變情事而其廢弛貽誤竟與相等此而不行嚴辦其何以懲貪玩而慰輿情特成額據用湖廣總督在任三年之久首爲廢弛所有活埋冒賑各案俱係伊任內之事乃於該管隄工又復毫無覺察其罪竟不減於富勒渾雅德似此負恩溺職豈可復令駐劄回疆仍舊領頭督率人眾希成額著革職交刑部治罪所有該部事務著侍郎明興前往接管此旨卽著明興帶往俟

其行抵烏什親向特成額宣諭後將伊拏問著派委妥員
迅速解京交刑部治罪務於冬至前起到勘保現署陝甘
總督回任尙需時日所有山西巡撫事務著梁肯堂暫行
前往署理梁肯堂現派令護送戶部解往荊州銀兩所有
頭起之一百萬兩已於十九日起程本日據畢沅奏請於
河南徵存地丁銀內撥出一百萬兩就近解往俾速資接
濟等語已准其就近撥解戶部二起銀兩尙未起程卽毋
解往以省運費梁肯堂俟頭起銀兩解送出境後卽由
彼速赴山西署事梁肯堂未到之前其巡撫印務暫交鄭
源濟護理直隸布政使印務著富尼善署理朕本欲舒常

荊州府志卷二

來京供職因其曾任湖廣總督上年李侍堯調任閩浙一時乏人以舒常人尙小心是以差往署理續行實授今該省似此種種廢弛貽悞舒常並未據實陳奏咎無可辭豈可復膺封疆之任舒常卽著解任留於荊州工次効力自願李封曾任該省巡撫並不能實力整頓相沿玩悞伊亦無顏在京供職並著前往荊州管工効力自贖其行在刑部印鑄著福康安帶管現在荊州隄塍城垣各工已命阿桂德成前往勘辦阿桂等將大局勘定估明後卽交與舒常李封在彼監修並令激發天良自行議罰以備工賑之用俟各工及災賑等務完竣另降諭旨其十年以內承修

官員並該管各上司仍著阿拉等遵照前旨詳細查明分別嚴叅從重治罪並著賠補用昭懲創所有湖廣總督員缺著畢沅補授目下河南並無緊要應辦之事畢沅接奉此旨不必來行在請訓卽速往荊州辦理撫卹各事宜其河南巡撫員缺著伍拉納補授徐嗣曾現在臺灣承辦城工諸事其巡撫事務係伍拉納護理伍拉納俟徐嗣曾回至內地後再赴河南新任伍拉納未到之前河南巡撫事務著惠齡速行前往署理惠齡現在出差距豫省不遠伊係朕素知之人不必再來請訓卽著就近馳往河南署理李侍堯雖到湖廣正署將及一年履任未久亦難辭咎但

念伊到湖廣任後卽拊活埋人命一案據實查奏隨即調
任閩浙於地方諸事未及整頓未暇查出且伊到福建後
卽在泉州廈門辦理軍需一切始終無悞功過實足相抵
著加恩免其治罪姜晟到任未久將來查明亦可從寬此
係朕格外矜原李侍堯姜晟當倍加感激奮勉自効毋負
委任朕臨御五十餘年敬

天勤民孜孜不倦於臣下功過輕重惟視其人之自取固不
肯爲已甚亦必去其太甚貪玩從不稍寬而權衡務歸至
當所有臺灣及荊州兩事地方官懈弛玩愒公殃民至
於此極朕不能早行查察弭於未然朕方引以爲愧今相

煙破露安可再事姑息不爲從嚴辦理以儆將來爲此明
白宣諭大小臣工嗣後務當益加儆慎倍矢清勤以副朕
整飭官方諄諄教誡之意將此通諭知之欽此